

ს.ს.ი.პ. საქართველოს სტატისტიკის
ეროვნული სამსახური (საქსტატი)



გამარტივებული ელექტრონული ტენდერის საშუალებით

სტელაჟების (CPV39151100)

შესყიდვის

დაფინანსების წყარო - 2014 წლის სახელმწიფო ბიუჯეტი 4703

ს ა ტ ე ნ დ ე რ ო დ ო კ უ მ ე ნ ტ ა ც ი ა

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

თბილისი
2014 წელი

ს ა რ ჩ ე ვ ი

1) ინსტრუქცია ტენდერში მონაწილეობის	3
2) სატენდერო დოკუმენტაცია	3
3) შესყიდვის ობიექტის ტექნიკური დავალება	5
4) დამატებითი ინფორმაცია	6
5) სახელმწიფო შესყიდვების შესახებ ხელშეკრულების პროექტი	7
6) დანართი №1 (ფასების ცხრილი)	12

1. ინსტრუქცია ტენდერში მონაწილეთათვის

ინფორმაცია იხილეთ კონკურენციისა და სახელმწიფო შესყიდვების

სააგენტოს ოფიციალურ ვებ. გვერდზე: www.procurement.gov.ge

შენიშვნა: პრეტენდენტი, წარდგენილი სატენდერო წინადადებით ავტომატურად ეთანხმება, წინამდებარე სატენდერო დოკუმენტაციით განსაზღვრულ მოთხოვნებს.

2. სატენდერო დოკუმენტაცია

2.1 საკვალიფიკაციო მოთხოვნები:

„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-11 მუხლის მე-4 პუნქტის შესაბამისად, საკვალიფიკაციო მონაცემები არ მოითხოვება.

პრეტენდენტმა უნდა წარმოადგინოს შემდეგი:

- ა) რეკვიზიტები (დასახელება, მისამართი, ტელეფონი/ფაქსი, ელექტრონული მისამართი, საბანკო რეკვიზიტები, ხელმძღვანელი პირის სახელი, გვარი);
- ბ) შევსებული ფასების ცხრილი – “დანართი №1”- ის სტრუქტურის დაცვით;

შენიშვნა: პრეტენდენტის მიერ სისტემაში ატვირთული დოკუმენტები უნდა იყოს ხელმოწერილი და ბეჭედდასმული შესაბამისი უფლებამოსილი პირის მიერ.

2.2 ანგარიშსწორების პირობები:

2.2.1 სატენდერო წინადადებაში ერთეულისა და საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული (მათ შორის ტრანსპორტირების ხარჯები) ყველა გადასახადის გათვალისწინებით.

2.2.2 ანგარიშსწორება მოხდება უნაღდო ანგარიშსწორებით ლარში, ფაქტიური მიწოდების შესაბამისად.

2.2.3 ანგარიშსწორება მოხდება მიღება-ჩაბარების აქტის გაფორმებიდან არაუგვიანეს 20 (ოცი) კალენდარული დღის განმავლობაში.

2.2.4 წინასწარი ანგარიშსწორება (ავანსი) არ გამოიყენება.

2.3 ხელშეკრულების უზრუნველყოფის საბანკო გარანტია

2.3.1 ხელშეკრულების შესრულების საბანკო გარანტია არ გამოიყენება.

2.4 შესყიდვის ობიექტის ტექნიკური პარამეტრები:

2.4.1 შესყიდვის ობიექტის ტექნიკური პარამეტრები მოცემულია “ცხრილი №1-ში”.

2.5 შესყიდვის ობიექტის მიწოდების პირობები და ვადები:

2.5.1 შესყიდვის ობიექტის მიწოდება და მონტაჟი უნდა განხორციელდეს ერთ ეტაპად, შემსყიდველის მოთხოვნიდან 30 (ოცდაათი) კალენდარული დღის ვადაში, მისამართზე: ქ. თბილისი, დ.წენეთი გურამიშვილის №39.

2.6 შესყიდვის ობიექტის ხარისხი

2.6.1 შესყიდვის ობიექტის ხარისხი უნდა შეესაბამებოდეს საქართველოში მოქმედ სტანდარტებს;

2.7 დამატებითი მოთხოვნები:

2.7.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპოდენცია და დოკუმენტაცია წარმოდგენილ უნდა იქნას ქართულ ენაზე.

2.7.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.7.3 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.8 დაფინანსების წყარო: 2014 წლის სახელმწიფო ბიუჯეტი 4703

სატენდერო წინადადების მოქმედების ვადა განისაზღვრება სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული “გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის” მე-2 მუხლის 1-ლი პუნქტის “ჟ”, “რ” ან “ტ” ქვეპუნქტებით გათვალისწინებული ეტაპის დადგომადე.

3. შესყიდვის ობიექტის ტექნიკური დავალება

1. შესყიდვის ობიექტის საგანს წარმოადგენს საარქივე თაროების (სტელაჟების) მიწოდება და მონტაჟი საქსტატის ოფისში, მდებარე თბილისი, დაბა წყნეთი, გურამიშვილის ქ. №39, 0-სართული (ნახევარსარდაფი). განთავსების ფართი დაახლოებით 480 კვ.მ. (იხილეთ გეგმა)


1.1. საარქივე თაროების სპეციფიკაცია მოცემულია ქვემოთ მოყვანილ ცხრილში:

ცხრილი №1

№	დასახელება	მახასიათებლები	რაოდენობა
1	სტელაჟი 220 /38/150 სმ.	4 ცალი სადგამით 40/20 კვადრატული მილი 2 მმ. სისქის. თაროები დამზადებული უნდა იყოს 30/20 კვადრატული მილით, 2მმ სისქის. თოქული სტელაჟის თითო თაროს გრძივი გვერდები დაკავშირებული უნდა იყოს ერთმანეთთან არანაკლებ 4 ცალი 20/20 კვადრატული მილით. თაროზე დამაგრებული უნდა იყოს 8მმ სისქის მდფ-ის ფილა. სადგამის ძირებზე და ბოლოებზე უნდა ჰქონდეს პლასტმასის ხუფი. სტელაჟების გვერდებზე, მთელ სიმაღლეზე უნდა გაიკრას ე.წ."პალასა" 10/2 მმ, გვერდზე თითო ღერძი, სულ 2 ცალი. სტელაჟი შეღებილი უნდა იყოს მაღალი ხარისხის მდგრადი საღებავით. <i>გარანტია არანაკლებ 1 წელი.</i>	190 ცალი

1.2. საფეხურის სიმაღლე 10 სმ, თაროების შორის დაშორება 35 სმ, სტელაჟები უნდა იყოს ასაწყობ-დასაშლელი. კონსტრუქციის ზედაპირები უნდა იყოს დამუშავებული (გლუვი) და შეღებილი. შესაძლებელი უნდა იყოს სტელაჟების დაწყვილება-დაკავშირება სრახნიანი მაკავშირებლებით. კონსტრუქციის სიმდგრადის უზრუნველსაყოფად სტელაჟების რიგები უნდა იყოს ერთმანეთთან დაკავშირებული შესაბამისი ღერძებით. ასევე ცალფა სტელაჟები უნდა მიმაგრებულ იქნას კედელზე. მდფ-ის ფილები თაროებზე უნდა იყოს დამაგრებული. თითო თაროს ტვირთზიდვა უნდა შეადგენდეს არანაკლებ 70 კგ.

1.3. საარქივე თაროების მონტაჟის დროს დაცული უნდა იყოს უსაფრთხოების ზომები. სტელაჟები ისე უნდა აიწყოს, რომ ექსპლუატაციის პერიოდში დაცული უნდა იყოს დაშლის, გადმოცვენისა და დაზიანების უსაფრთხოების პირობები.



შენიშვნა*:

- შემოთავაზებული საქონელი უნდა იყოს ახალი, უნაკლო და მაღალი ხარისხის;
- ყველაზე დაბალი ფასის მქონე პრეტენდენტი ვალდებულია, ტენდერის ძირითადი დროის დასრულებიდან არაუგვიანეს 3 (სამი) სამუშაო დღისა შემსყიდველს წარუდგინოს შემოთავაზებული სტელაჟის ნიმუში.

4. დამატებითი ინფორმაცია:

4.1. საკონტაქტო პირები:

სატენდერო კომისიის აპარატის წევრები:

ლევან ჯანჯულია: ტელ: 236 72 10 (133); მობ: 577 09 25 10; ელ. ფოსტა: Ljanjulia@geostat.ge;

მალხაზ გერგაია: ტელ: 236 72 10 (111); მობ: 591 27 03 33; ელ. ფოსტა: mgergaia@geostat.ge .

5. სახელმწიფო შესყიდვების შესახებ ხელშეკრულების პროექტი

ხელშეკრულება № _____

(წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი).

ქ. თბილისი

„—“ „—————“ 2014წ.

ერთის მხრივ, სსიპ საქართველოს სტატისტიკის ეროვნული სამსახური – საქსტატი, შემდგომში წოდებული **შემსყიდველად** აღმასრულებელი დირექტორის მოვალეობის შემსრულებლის თენგიზ ცეკვაგას სახით, და მეორეს მხრივ „-----“ მისი „----- --- ” სახით, შემდგომში წოდებული **მიმწოდებლად**, ორივე ერთად წოდებული როგორც „მხარეები“, სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად, დებენ წინამდებარე ხელშეკრულებას შემდეგ ზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1. ხელშეკრულების საგანია, საარქივე თაროების შესყიდვა მონტაჟით წინამდებარე ხელშეკრულებით და სატენდერო დოკუმენტაციით განსაზღვრული პირობებისა და დანართი №1 შესაბამისად: (CPV39151100 სტელაჟები).

3. ხელშეკრულების ღირებულება

3.1 ხელშეკრულების ღირებულება შეადგენს _____ ლარს.

3.2 საქონლის ღირებულება მოიცავს, როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს საარქივე თაროების (სტელაჟების) მიწოდება და მონტაჟი საქსტატის ოფისში, მდებარე თბილისი, დაბა წყნეთი, გურამიშვილის ქ. №39, 0-სართული (ნახევარსარდაფი), შემსყიდველის მოთხოვნიდან 30 კალენდარული დღის ვადაში.

ბ) უზრუნველყოს ხელშეკრულებით გათვალისწინებული სხვა ვალდებულებების განხორციელება.

4.2 შემსყიდველი ვალდებულია:

ა) უზრუნველყოს მიწოდებული საქონლის ინსპექტირება და დადებითი შეფასების შემთხვევაში მისი მიღება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. საქონლის ხარისხი და გარანტია

5.1 მიწოდებული საქონლის ხარისხი უნდა შეესაბამებოდეს ამ სფეროში დადგენილ სტანდარტებს, ტექნიკური დავალებით და ხელშეკრულებით განსაზღვრულ მოთხოვნებს.

5.2 მიწოდებულ საქონელზე საგარანტიო პერიოდი შეადგენს 1(ერთი) წელს

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, ამ ხელშეკრულების მოქმედების პერიოდში, შემსყიდველის მოთხოვნათა შესაბამისად.

6.2 ინსპექტირებას განახორციელებს სსიპ საქართველოს სტატისტიკის ეროვნული სამსახურის – საქსტატის მიერ გამოყოფილი პირი ან პირთა ჯგუფი.

7. მიღება-ჩაბარების წესი

7.1 მიღება-ჩაბარების აქტი ფორმდება ინსპექტირების დასკვნის საფუძველზე, წერილობითი ფორმით, მხარეთა უფლებამოსილი წარმომადგენლების ხელმოწერით.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას, მიმწოდებელს აუნაზღაუროს მიწოდებული საქონლის ღირებულება, უნაღდო ანგარიშსწორებით ლარში, შესაბამისი მიღება-ჩაბარების აქტის გაფორმებიდან 20 (ოცი) კალენდარული დღის განმავლობაში.

8.3 თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად

10. მხარეთა პასუხისმგებლობა ხელშეკრულების პირობების დარღვევისას

10.1 თუ მიმწოდებელი არ ასრულებს ხელშეკრულების პირობებს, შემსყიდველი აფრთხილებს მიმწოდებელს დაიცვას ხელშეკრულების პირობები;

10.2 ხელშეკრულებით ნაკისრი ვალდებულებების შეუსრულებლობის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების **0.2%-ის** ოდენობით.

10.3 ხელშეკრულების 8.2 პუნქტით გათვალისწინებული გადახდის ვადის გადაცილების შემთხვევაში შემსყიდველს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების **0.2%-ის** ოდენობით.

10.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების **2** (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო, წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში, მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან **2 (ორი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

13.3 ხელშეკრულების ცალკეული პირობების მოქმედების შეწყვეტა არ ანთავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელმოწერის დღიდან და მოქმედებს 2014 წლის 31 დეკემბრის ჩათვლით.

15. ფორს-მაჟორი

15.1 წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარო საჩივრების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

16.1 ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი –

შემსყიდველს.

17. მხარეთა რეკვიზიტები:

შემსყიდველი

მიმწოდებელი

საქართველოს სტატისტიკის ეროვნული
სამსახური - საქსტატი

მისამართი: ქ. თბილისი,

ცდადიანის 30, ტელ. 36-72-10

საბანკო რეკვიზიტები:

ანგ. № GE24NB0330100200165022

სახელმწიფო ხაზინა, კოდი TRESGE22,

სკ-212273868

აღმასრულებელი დირექტორის მოვალეობის
შემსრულებელი

თენგიზ ცეკვავა

პრეტენდენტის დასახელება _____

ფასების ცხრილი

№	დასახელება	მახასიათებლები	წარმოების ქვეყანა და მწარმოებელი ი/ზრენდი	რაოდენ ობა (ცალი)	ერთეულ ის ფასი (ლარი)	ღირ-ბა (ლარი)	მიწოდების კადა
1	სტელაჟი 220 /38/150 სმ.	ტექნიკური დავალების შესაბამისად		190			სტელაჟების მიწოდება და მონტაჟი უნდა განხორციელდეს ერთ ეტაპად, შემსყიდველის მოთხოვნიდან 30 კალენდარული დღის ვადაში; მის; ქ. თბილისი, დ.წყნეთი გურამიშვილის №39.
ჯ ა მ ი:							

ხელმოწერა _____